



INSTITUTO ESTATAL
ELECTORAL CHIHUAHUA

PREMIO ANUAL A LA
PARTICIPACIÓN CIUDADANA

PAQUITITA JIMÉNEZ 2023



Échi Instituto Estatal Electoral a niwíwa homenaje alí reconocimiento échi mukí mejikana je'naí chihuahua bitéami FRANCISCA JIMÉNEZ BARRIENTOS "Paquita Jiménez" mápu simírika osá makói bamíbali isíli nikúra alí namúti olá jéna participación ciudadanachi jé naí estadochi, échi ko bela wé alá nikúrili kíti wé alá nokímea jéna cívico democratico alí participacion ciudadana mápu riká namúti karéwia mápu riká alá katúwi sinéami ralámuli ayénacho wé alá inéka isimí mápu riká aní échi artículos 2, fracciones I y II; 8; y 16; fracción VII, mápu jú Ley de Participación del Estado jéna chihuahua nirúami,

Échi Instituto Estatal Electoral jé naí Chihuahua nirúami

BAJURÉ

Bilé mukí o rejói nía, o bilé organización civil jé naí chihuahua peréami a oméro ro'á échi mápu ayéna a re'énali alí ménali jéna:

ÉCHI PREMIO SINIBÍ BAMÍBAMI NIWALÍWAMI PARTICIPACIÓN CIUDADANA REWÉWAMI “PAQUITA JIMÉNEZ” 2023

Sinéami ralamuli a kerecho sinéami mápu riká organizaciones jú, alí si nikúrinali a ménala ko échi premio, a bela mi riká oláma mápu riká mi anelíwa:

CHU RIKÁ NÍMA

1. PIRI ISIA ECHIRIKA OLABO RE

A machiká sinéami we a'lá ralamuli alí colectivos ayénacho mápu jú organizaciones

níwala échi sociedad mápu a alabé náchaka newá échi cultura mápu jú civico-domecratica, mápu a we alabé niwaká cho náchami jú a we napawíka cho échi sinéami ka, a rúacho a

PAMÍ PREMIO NATIWAL
PARTICIPACIÓN CIUDADANA

PAQUITÁ JIMÉNEZ 2023

sinéami cho ciudadanía ayénacho a nikúra rúa echoná sistema político democrático, a mápu a nakúricho échi yúa participacion ciudadana, je'naí estado Chihuahua nirúami.

Né bachálala mápu newá échi premio a bela wé alá inéka noká mápu jépika ka ko a alá machiká noká píri jú échi cívico democrático alí participación ciudadana mápu riká namúti karéwia mápu riká alá katúwi sinéami ralámuli alí alá olásika mápu riká aní échi participación ciudadana, sinéami chu ko riké wikábe bamíbi o pe okúaa o jaré mápu we risóati jú, ayéna a oméra namúti olá tásí wési mi chéwisa

re mápu rika; umukí, mikáka jónsa siámi, témali, kuúchi kúchi, kuúchi kúruwi alí pei a wéli kúruwi, ochérami, mápu nayúami jú; pueblos alí comunidades ralámuli níwala; alí comunidad LGBTTTIQ.

2. NA'KIWAME

Sinéami mápu riká organizaciones civil jú, mápu a bitíbali jéna re'ékiachi o jápi bitíama re, a bela néwalema re:

- I. Bilé mukí o rejói nía, o bilé organización civil nía jé na'í chihuahua nirúami
- II. Wé alá machiká isíami nísá re namúti olayá ayénacho alá machiká raíchami nísá re échi cultura cívico-democrática jéna participación ciudadana mápu riká namúti karéwia mápu riká alá katúwi sinéami ralámuli alí alá olásika mápu riká aní échi participación ciudadana jé na'í estadochi.

3. CALENDARIO DE ACTIVIDADES

Chu riká narépo re, píri rawé inárachi, chu riká narépo re échi osel:

Chu riká olísipa re	Chu kabú
Naréliwami échi oséli mápu re'ema re	18 rawé agosto alí ámi 29 rawé septiembre inárachi
Aniwámi mápu jépi ka a oméro ré'ea	rawé 02 alí 05 obtubre mecha inárachi
Aniwámi mápu jépi ka méli	06 rawé inárachi octubre
Premio nijíliwami	inárachi octubre mecha

4. MÁPU RE'ÉNALI KO

Mápu re'énali ko a náwima echiná correo electrónico

oficialiadepartes@ieechihuahua.org.mx; bilé oselí aníami mápu mi re'énali échi ko a níma okúa kuartilla, échi oserúami ko inárisa re formatos Word o PDF, ayéna a animéa re:

- I. Anisa re chu sia échi rejói o mukí keré, ayénacho organización de la sociedad civil chu riká nikúra chukú échi rúa participación ciudadana jé na'í estadochi.
- II. Ámi uchása re mápu mápu mi riká bawérami jú mujé rewalá, o jápi bo'í bileána organización civil mápu niwá osá échi oselí.

Alí ayénacho a nijíma échi jaré formatos mápu chukú je'naí convocatoria alí a níwima échi información mápu jú:

- a. Rewalá, kúmi bité, alí bilé numero teléfono mápu re'ema re o échi organización civil mápu si re'ema re.
- b. Ayénacho mi nijíma échi mápu mi katuwili

PAMÍ PREMIO NATIWAL
PARTICIPACIÓN CIUDADANA

PAQUITA JIMÉNEZ 2023

mápu si re'éka isíma mápu aní mápu mujé jú mápu a'lá jú a bela a nijímacho rewalá, numero teléfono o celular keré, correo electornico alí kumi bitéami jú

- c. Bilé cuenta correo electrónico mápu oná námima o naréma échi mápu mi ruyéliwa
- d. Ayénacho animéa chu riká re'éma ree, mápu échi modalidad reem

Ayénacho a échi rejói mukí keré mápu re'ea isíma re o mápu a katuwili échi riká re'éka isíma a bela ámi níwisako jaré namúti mápu we alabé isíma jú o nokámi jú a níwisa jaré oselí, foto, a ayénacho níwisa bilé audiovisual o documental a bela nijímacho.

Aní a biléanacho ayénacho a mápu bilé témali pee kúriwi alí tewé keré si re'énalasa a belacho a katuwika járima cho échi onolá iyéla keré niwaká bilé oselí mápu échi riká aní mápu a ne échi a yúa piré échi kúruwi alí tewé mápu ke me weká bamíwa.

Mápu si re'éma re ko jéna Premio kítira mápu sinibí bamíbali niwalíwa jéna Participación Ciudadana "Paquita Jiménez" 2023 ma bikía bamíwali jú mápu re'ewa, a bela narépa re **18 agosto ámi 22 de septiembre 2022 inárachi jónsa.**

Mápu iyéna bitiwásiwa o nijísiwa oselí, échi Dirección Ejecutiva de Educación Cívica y Participación Ciudadana Instituto Estatal Electoral a si uchucháma échi expediente anélwami mápu némale, alá inéma re échi namúti mápu náwili échi mápu re'ea nokiméa re alí ayéna a anéma re mápu tási alá níska kíti ku karéwima, mápu re chiriká níska ka, a **bela 48 horas osá na'ó horas ináriachi mápu alí jónsa náwiwa échi** correo electrónico mápu mi ucháli.

Échi mápu jú Dirección Ejecutiva níwala Edu-

cacion Cívica alí Participación Ciudadana je'naí narúami Instituto Estatal Electoral ke ku narésa che échi mápu a nuléro mápu ku a'lá newáma, a bela a pee échi riká ripíma mápu riká ke siné nijíla.

5. CHU KÍANA KAYÁMI NIRÚLIMA RE RE'ÉKIAMI

Échi mápu re'énaliko a bela narúlima re okoná re'ékiami, a bela mi bachámi a oláma kumi boibasa re échi. J'pena bela jú

- a. **Modalidad "Trayectoria".** Échi bela ko jú mápu a nikúrika isimí alí, ayénacho a a wé machiká náchali échi yúa mápu jú cultura cívico-democrática y/o promoción nalí échi Participación Ciudadana jé naí estado Chihuahua; alí
- b. **Modalidad "Organización".** échi ko a bela jú échi mápu jú Colectivo u organización mápu a napawíka wekáka a náchaka noká échi nijíra raíchali alí ruwéa échi nalí kítira cultura cívico-democrática y/o promoción nalí échi Participación Ciudadana jé naí estado Chihuahua
- c. **Modalidad "Pueblos y Comunidades Indígenas".** Échi ko níska re mápu jú jaré ralámuli, rejói mukí mápu a piréami jú Pueblo o Comunidad Indígena, mápu a we iwérika náchami jú échi anía échi jaré échi cívico-democratico ayénacho mápu a nikúrika isimí échi Participación Ciudadana je'naí estado Chihuahua¹.
- d. **Modalidad "Juventudes".** Échi ko a nísare bamíwami 16 bachámi jónsa alí 29² bamíwami jónsa, a bela a we a'lá níwisa re mápu reká binói a'lá isíli, iwérika náchami jú échi anía échi jaré échi cívico-democratico ayénacho mápu a nikúrika isimí échi Participación Ciudadana je'naí estado Chihuahua.

¹ Échi re'ekíami ko jéna modalidad a bela a némalewa échi bilé oselí mápu a we nocháwa kuwírika isíra rúa échi ralámuli, mápu piréami jú pueblo keré alí comunidad Indígena mápu oná piré.

² Échi riká náchira chukusáre mápu alí jónsa machiká échi convocatoria bajuréliwami.



PAQUITÁ JIMÉNEZ 2023

6. COMITÉ TEMPORAL EVALUACIÓN

Échi comité temporal mápu inéami níma alí animéa a échi riká jú a bela ne wichiwali aníka isíma, echoná ko a bela narúlima, mochíma keré:

- I. **Bilé Presidencia**, mápu nímare échi Consejería Electoral échi ju Presidente náli Comisión para el seguimiento anewami échi anelíwami actividades de Educación Cívica alí Participación Ciudadana já naí Instituto, échiko a níwima re derecho a raícha alí voto;
- II. **Bilé Secretaria Técnica**, mápu nímare échi titular mápu jú Dirección Ejecutiva de Educación Cívica alí Participación Ciudadana já naí Instituto, échiko a níwima re derecho a raícha;
- III. **Okua vocalías**, échi ko nímare échi Consejerías Electorales mápu a si jáwa echoná Comisión; échiko a níwima re derecho a raícha alí voto; alí ayénach
- IV. **Malí vocalías**, échiko a níwima re derecho a raícha alí voto, échi ko nímare échi:
 - a. Échi mápu niyúrili échi modalidad "Trayectoria", chabé mápu alí re'érumbamíbali osá makói okúa míli échi Premio Anual a la participación ciudadana "Paquita Jiménez".
 - b. Échi mápu niyúrili échi organización mápu riká re'élí échi modalidad "Organización", chabé mápu alí re'érumbamíbali osá makói okúa míli échi Premio Anual a la participación ciudadana "Paquita Jiménez".
 - c. Bilé mápu jú échi representación níwala échi Consejo Consultivo échi Participación Ciudadana já naí Estado Chihuahua.
 - d. Ayénacho a nirúlima échi represen-

tación níwala Comité Participación Ciudadana échi Sistema Estatal Anti-corrupción jána Estado Chihuahua níwala.

Échi sinéami mápu mochíma echoná Comité Temporal de Evaluación ke tási omérama si re'ea alí ke tási cho jawáma re échi mápu re'ema, ke bilé cho échi colectivos u organizaciones.

7. ANIWÁCHI ÉCHI REJÓI, MUKÍ A JARÉCHO, AYÉNACHO ÉCHIAGRUPACION KERÉ ORGANIZACIÓN CIVIL MÁPU NIYÚRILI

Échi **06 rawe mecha octubre jána bamíbali**, échi Comité Temporal de Evaluación animéa ayénacho a ruyéma échi mápu nayúrili keré échi mápu bilé re'élí ayénacho agrupación u organización civil echoná página electrónica www.ieechihuahua.org.mx/participacion-ciudadana_paquita_jimenez alí échi anelíwami redes sociales jána Instituto níwala.

Mápu churiká aniboa jápi kúa jú échi mápu niyúrili échi Comité Temporal anelíwami a bela a wé a'lá inéka nokiméa re mápu riká aní je'nai bachámi:

- a. Échi mápu ne náchali isilí, échi mápu jú ejercicios democráticos; alí
- b. Mápu ne alabé olámi jú échi nijíliwami ráichali, náchali échi anelíwami democrático je naí estado.

Mápu riká aníli échi Temporal de Evaluación ne échi riká rípima alí riwítami níma.

8. ÉCHI NIJÍLIWAMI ÉCHI CHILI-WELÍWAM

Échiko a nijírami níma échi premio, a narúlima naóanati nijíliwami, árami níma cho:

- a. A wé alá ráichali nijíka aniboa échi mápu nayúri, níwabo bilé Reconocimiento a bajuréka weká.

PAQUITÁ JIMÉNEZ 2023

- b. Bilé oselí mápu anelíwa diploma mápu echoná a aní mápu niyúrili; alí ayénacho
- c. A naréma bilé kuwíriwami keré bilé cheke o wenomí mápu a níma **\$20,000.00 (osá makói mili 00/100 M.N.)**.

9. ÉCHI PREMIACION

Échi inárachi mecha octubre bamíwali 2023 a bela newábo napawíliami mápu bajurépo a weká écho a njíbo échi chiliwéliami mápu nayúrili écho ko níma re echon Sala de Sesiones del Consejo Estatal jena Instituto níwala, mapu wili echona calle 23 s/n ne chea wili calle Bustamantes, Colonia Altavista.

10. RUWÉLIWAMI ALÍ MÁPU MACHINÁLI

Suwába écho mápu mi ruwébo, alí ayénacho mápu mi machináli a bela ruwéka mi olába re echoná biléana mápu anelíwa portal jéna instituto níwala www.ieechihuahua.org.mx/participacion_ciudadana_paquita_jimenez, pe jaréko a échi riká nísá ko a bela ruwébo ne binói níra, bajuréka keré, simí inésia, alá ma náwika keré bilé correo electrónico mápu abóni njíka nokáli mápu alí sinéwi chótali re'ea.

A ayénacho jarécho mápu riká a nirúami jú na oserúami Lineamientos, a bela a échi riká cho olárami níma, mápu riká cho échi inérami mápu jú Correo Electronico a sinéami mápu jú ciudadanos mápua táká nokisá échi.

11. ÉCHI NIJÍLIWAMI ALÍ TIBÚLIWAMI ÉCHI TAMUJÉ ANÍALA OSELÍ, REWALÁ, KÚMI BITÉ A JARÉCHO

Échi oselí mápu aní suwába échi kítra ralámu-li, alí échi agrupaciones keré organizaciones níwala mápu njíli jé na'í Institutochi a bela a wé alá tibúka olába, wé alá isíka animéa píri njíama o ucháma, échi ko a bela njéwika isimí écho Ley de Protección de Datos Personales del Estado de Chihuahua, alí a uchaká mi isími echiná portal internet níwala jéna instituto.

12. KÉMI ALÁ MO'ÁSA ÉCHI RUWÉLIWAMI

Kémi alá mo'asa ko échi mápu mi ruwéwa a bela raíchika isíma echoná Dirección Ejecutiva de Educación Cívica alí Participación Ciudadana níwala Instituto Estatal Electoral, échi teléfono 614-432-1980, extensiones 2408, 2409, 2410, 2413 alí 2416, échi rawé lunes a viernes inárachi be'a 9:00 alíwachi 15:00 horas, ayénacho a mi náwika isíma echoná direcciones de correo:
premioanualpj2023@ieechihuahua.org.mx

13. ÉCHI JARÉ NAMÚTI KE ANIRÚAMI

Échi mápu ké tási aníro a bela aniká alí inéka nokiméa échi Comisión seguimiento anelíwa-mi mápu riká cho jú échi Educación Cívica alí Participación Ciudadana jéna instituto níwala á ayénacho keré échi Comité Temporal de Evaluación, abóni ma mápu riká a síli échi oselí